

Ein Trost Lied /  
Für eine Alten

Hofman / dem Widerwertiges  
vnd Unglück begegnet.

Im Thon /  
Mag ich Unglück nicht widerstahn / &c.



Stuttgart / bey Gebhard Grieb / 1607.



## Ein Trost Lied.

1.

**N**ag ich Unglück nicht  
widerstahn/  
Musß Ungnad han  
Der Welt omb mein recht handlen:  
So ist doch diß mein beste Kunst/  
Gottes Huld vnd Gunst  
Die kan man nicht verwandlen.  
Gott ist nicht weit/  
Ein kleine Zeit  
Er sich verbürgt/  
Bis er erwürgt/  
Die falsch vnd böß herwandlen.

2.

Ob schon Neid vnd Vndancß der  
Mir als verstellt/ (Welt  
Vnd guts in böß verkeheret:  
Miß

Mißgunst vnd haß zu mahl mein  
Verkleinert sehr/ (Ehr  
Verfolgt was Gott beschehret:  
Ich harz auff Gott/  
Der weist mein Not/  
Hilfft recht vnd geschwind/  
Wider mein Feind  
Bis er ihnen abkehret.

3.  
Nicht anderst in der Welt zugeht/  
Ist alles vnstet:  
Heut ist jemand in Bürde/  
Bald eben der auch würdt veracht/  
Sein niemand acht/  
Muß tragen Last vnd bürde.  
Also gehrs zu/  
Ist stets Vnrhu/  
Jetzt steht es wol/  
Gleich Vnglücks vol/  
Darauff ihm volgen Bürde.

4.  
Dieser Leut Art vnd Practik ist/

A ij

All

All ding mit List/  
Vnd beschwerd anzufangen/  
Zuverleumbden / steht ihr begir  
Zu rauben mir/  
Was von Gott magst erlangen.  
Herz gnad vnd gunst/  
Mit falscher Kunst  
Sie thun werben/  
Mich verderben/  
Ander mit Stricken fangen.

5.

Falsch sein ist ihr gemeiner Sit/  
Vnd achten nit/  
Was Gott darzu würdt sagen.  
Dann ihr anschlag vnd böß gedicht  
Seind nur gericht/  
Wie sie Fromme verklagen/  
Sich machen groß/  
Vnd Hofgenosß/  
Wie sie Schlangen  
Listig fangen/  
Vnd trewe thun verjagen.

Vntrew

6.

Vntrew vnd Haß ih: Hoffarb ist/  
Böß trug vnd List  
Sie köndtn wol verfliegen/  
Dardurch sie manch fromm ehlich  
Gar hinderwerk/ (Herz/  
Vbel verführn vnd triegen:  
Das merckt man nicht/  
Wer nicht zusicht/  
Daß sie mit mut/  
Begern frembd gut/  
Vnd thun das Recht krum biegen.

7.

Dumb richt wie ich wöll jetzt mein  
Weil ich bin schwach/ (sach/  
Vnd kan nicht widerstreben:  
So muß ich Vnrecht leiden viel/  
Biß Gott das Ziel  
Hienach an Tag würdt geben.  
Gotts Trew vnd Huld  
Würdt mein Vnschuld/  
Mit Warheit rund/

A iij

Noch

Noch machen kund/  
Hie auff Erd in mein Leben.

8.

So mit gedult ich mich nun rist/  
Zu aller frist/  
Vnd mich mutig laß finden:  
Weil ich weiß daß kein gwalt bleibt  
Ists aller best/ (vest/  
Das zeitlich muß verschwinden.  
Das Ewig gut  
Macht rechten mut/  
Daben ich bleib/  
Wag gut vnd Leib/  
Gott helff mir iberwinden.

9.

Warheit vnd Recht allzeit besteht/  
Da sonst vergeht  
Der Welt gut / pracht vnd stande/  
Ihr wuß / verstand vnd groß weiß  
Ist Eytelkeit/ (heit  
Vor Gott nur lauter tande.  
Mich gar nicht irrt/  
Wer

Wer sich verwirrt/  
Mit Menschen sach/  
Die ich verlach/  
Gott bhelt die vberhande.

10.

All ding ein weil ein sprichwort ist/  
H Er: Jesu Christ/  
Nim du in acht mein sachen/  
Vnd sihe auff das Vnglück mein/  
Als wehr es dein/  
So kan ichs wol verlachen.  
Muß ich dann dran/  
Auff diser ban/  
Welt wie du wilt/  
Gott ist mein Schilt/  
Der würdt es wol recht machen.

11.

Dañ aller stolz/ehr/gut vnd pracht  
Ist nichts geacht/  
Vor Gott in seinem throne/  
Der nimbt der seinen trewlich wahr/  
In aller gefahr/

Vnd

Vnd erhelte die gar schone.  
A de schönöd Welt/  
Mit gut vnd gelt/  
Nun Gott mich tröst/  
Der mich erlöset/  
Durch seinen lieben Sohne.

A M E N.

